

॥ आत्मसार ग्रंथ ॥

मारवाडी

महत्वपूर्ण सुचना-रामद्वारा जलगाँव इनके ऐसे निदर्शन मे आया है की, कुछ रामस्नेही सेठ साहब राधाकिसनजी महाराज और जे.टी.चांडक इन्होंने अर्थ की हुई वाणीजी रामद्वारा जलगाँव से लेके जाते और अपने वाणीजी का गुरु महाराज बताते वैसा पूरा आधार न लेते अपने मतसे, समजसे, अर्थ मे आपस मे बदल कर लेते तो ऐसा न करते वाणीजी ले गए हुए कोई भी संत ने आपस मे अर्थ में बदल नहीं करना है। कुछ भी बदल करना चाहते हो तो रामद्वारा जलगाँव से संपर्क करना बाद में बदल करना है।

राम ॥ राम नाम लो, भाग जगाओ ॥

॥ राम नाम लो, भाग जगाओ ॥

राम

॥ अथ आत्मसार ग्रंथ लिखते ॥

अमर देस अस्थान हमारा ॥ ज्या सूं हम चल आया ॥

हंसा काज रमूं जुग माही ॥ अवगत मोही पठाया ॥१॥

साच झूट का करूं नवेडा ॥ बेदो भेड न राखूं ॥

सब ही करूं न्याव सूं दूरा ॥ असत मुख नही भाखूं ॥२॥

पिंडत सुणो सकळ जुग सुरता ॥ भेद अभेद बखाणूं ॥

पुरण ब्रम्ह परात्म पेला ॥ ता मिल रामत ठाणूं ॥३॥

साची कहुं झूट नही बोलूं ॥ सब काना सुण लीजो ॥

रमता राम सकळ घट व्यापक ॥ प्रम पद चित्त दीजे ॥४॥

रंकार निरधार अगम मे ॥ ता मिल भेद पिछाणूं ॥

जोती जगे अगम घर माही ॥ यासूं परे पियाणूं ॥५॥

ढीला काय भ्रम मत भुलो ॥ माया चेन दिखावे ॥

यां के परे प्रम परसोत्म ॥ ज्यां हाँ लग सुरत न जावे ॥६॥

दीसे चेन नेण सूं निरखे ॥ काँना बाज सुणीजे ॥

तब लग उरे परे नही पूंता ॥ नाद सुणे मन भीजे ॥७॥

अनहद घुरे सुणे जन माँही ॥ ऊँची मूठ लखावे ॥

तब लग देस मांहि जन पेंडा ॥ देव लोक मझ आवे ॥८॥

चवदे भवन लोक सब चूरे ॥ त्रुगुटी तंबू दिवाणा ॥

अनहद घुरे मूठ कछु नाची ॥ हरजन ध्यान लोभाणा ॥९॥

यां के परे परम गुर न्यारा ॥ ता गत लखे न कोई ॥

हद मे देव मानवी मोसर ॥ अर साध त्रुगटी होई ॥१०॥

यां कूं लोप चले जन कोई ॥ सत्त गुर रूप कहीजे ॥

माया रहे हद के माँहि ॥ बेहद वाँसे लहीजे ॥११॥

नव अस्थान देश हे भाई ॥ त्रुगटी परे बताया ॥

वाँकू लोप चले जन पेला ॥ निज पद मांय समाया ॥१२॥

ओसी बात तत्त म्हे भाखूं ॥ निज पद नेट निसाणा ॥

सुणज्यो आण सकळ जुग हंसा ॥ ओक हरजन ध्यान लोभाणा ॥१३॥

रटीयो नांव निरंतर न्यारो ॥ रूम रूम रस पीया ॥

हरिया हुवा मेघ घण बूठा ॥ मुवा मीडका जीया ॥१४॥

नवसे नदी निनाणू चाली ॥ खळक्या नीर पहाड़ां ॥

मिलिया माळ पीया बन सारा ॥ लग्या फुल फळ झाड़ां ॥१५॥

राम

राम ॥ राम नाम लो, भाग जगाओ ॥

॥ राम नाम लो, भाग जगाओ ॥

राम

भार अठारे चेत बिन फूले ॥ म्हेक रहया गरणाई ॥
हरजन हरष भयो मन भारी ॥ निरख निसो दिन जाई ॥ १६ ॥
ओसा ऐक अचंभा भारी ॥ अजब ख्याल दिखलाया ॥
सातुं समँद डेडरे सोख्या ॥ सिंह बाकरी खाया ॥ १७ ॥
तरवर तळे गोढ आकासां ॥ डाळा चल्या पियाळां ॥
ओसा अजब ख्याल हम देख्या ॥ फाडी भैंस शियाळां ॥ १८ ॥
त्रवर जाय अधर फर सीच्या ॥ डाळ पेड गरणाया ॥
फळ सो लग्या जडा मध बिचे ॥ सूवा ऊङ वांहा आया ॥ १९ ॥
निरख्या जाय नेण हम देख्या ॥ फळ का काम करारा ॥
अनंत कोट संताने खाया ॥ सो फळ सही हमारा ॥ २० ॥
सूवे जाय अगम फळ चारख्या ॥ पाय बोहोत सुख आया ॥
ओसा ऐक अचंभा भारी ॥ मङ्गे काळ कूँ खाया ॥ २१ ॥
सूवो जाय हुवो अब चेतन ॥ बोले बेण रसीला ॥
निरभे भयो आद घर मांही ॥ करम काट सब जाळा ॥ २२ ॥
बोलत सुवो बेण रस प्यारा ॥ सुणत सकळ मन भावे ॥
निरभे नाव निरंजण नीका ॥ ता मिल भेव बतावे ॥ २३ ॥
देख्या नगर स्हेर ब्हो भारी ॥ ता मध हाट मंडाणा ॥
नाँ नाँ भाँत बस्तु बोहो बिणजे ॥ नित साहा करे छडाणा ॥ २४ ॥
लंबो ब्होत चहुं दिस निरख्यो ॥ तीनू लोक समाया ॥
सर्ब धात का कोट काँगरा ॥ तामे हम फिर आया ॥ २५ ॥
गळीया ब्होत बोहोत्तर किल्ला ॥ ऐक अचंभा भारी ॥
ऐकण दुःखि व्हे सो दुखिया ॥ सकळ स्हेर नर नारी ॥ २६ ॥
बीचे एक बाजार मंडाणा ॥ सिरे हाट उण मांही ॥
भूंडी भली सकळ सो चीजां ॥ उण घर नास्त नांही ॥ २७ ॥
ऐको भन्या भन्या सब कोठा ॥ ओसी कळा बणाई ॥
पीवे स्हेर नख चख सारो ॥ दुबध्या रहे न माई ॥ २८ ॥
च्यारूं बरण ऐक घर देख्या ॥ राव रंक सब लोका ॥
ऐकुं कार ऐक घर जीमे ॥ देव दुर्ग सब झोका ॥ २९ ॥
दुबध्या नही उँच नहीं नीचा ॥ स्हेर बसे चहुँ फेरा ॥
ता मध राज करे मन हाकम ॥ पाँच जोध संग चेरा ॥ ३० ॥
निरख्यो नगर दिष्ट सब आयो ॥ गळी गळी हम फिरीया ॥

राम

राम ॥ राम नाम लो, भाग जगाओ ॥

॥ राम नाम लो, भाग जगाओ ॥

राम

राम चवदे सेहस पिचतंर छासट ॥ अे लंघ पार उतरीया ॥ ३१॥

राम

राम चवदे सेण किया हम पेली ॥ पाँच बीस जुग बाँध्यो ॥

राम

राम तीन मांय ऐक सूं यारी ॥ प्रेम बाण मन सांध्यो ॥ ३२॥

राम

राम आठू दिसां फिच्या हम सारे ॥ च्यारूँ चख मिलाया ॥

राम

राम पूरब पिछम उत्तर दिखण ॥ गुड नाभ घर पाया ॥ ३३॥

राम

राम बरसे धरण गिगन घर भीजे ॥ नदियां चली अपूटी ॥

राम

राम चडीया नीर किल्ला सब भरीया ॥ नाब आब सब तूटी ॥ ३४॥

राम

राम चवदे सात तीन मिल उलटया ॥ चडीया नीर अकाशाँ ॥

राम

राम हरजन जाय करे वाँ खेती ॥ निज कण बीज बवाशाँ ॥ ३५॥

राम

राम चाले अरट पानडी बाजे ॥ निरखूँ दिष्ट पसारी ॥

राम

राम निस दिन बहे थके नही कोई ॥ पीवे सब बन क्यारी ॥ ३६॥

राम

राम देख्या ऐक तमासा ओसा ॥ गिगन मंडळ में हुवा ॥

राम

राम हाळी बळ्ड बिनां सुण नारी ॥ सींचे नित पत कूवा ॥ ३७॥

राम

राम झोले चड्डस अधर फरे ऊँची ॥ बारो ढुळण न पावे ॥

राम

राम छसे सेंस ईकीसुं बारा ॥ निस दिन भला समावे ॥ ३८॥

राम

राम कूवो गिगन धरण में मूँडो ॥ पीछ अकाशाँ पीवे ॥

राम

राम पांच पचीस भरे पिणियारी ॥ कूप सींच सब जीवे ॥ ३९॥

राम

राम गंगा बहे सरस्ती बीचे ॥ जमना आण मिले हे ॥

राम

राम तपस्या करे जोगेश्वर पुरा ॥ भंवर गुफा घर रेहे ॥ ४०॥

राम

राम धरणी शीस गिगन का नाँका ॥ तहाँ मेहल ऐक भारी ॥

राम

राम सातूं पोळ दोय द्रवाजा ॥ रमे पुरष संग नारी ॥ ४१॥

राम

राम सातुं पोळ पोळिया बेठा ॥ बंध किया सब लोई ॥

राम

राम नट खट चोर तसकर दुजा ॥ आण न पावे कोई ॥ ४२॥

राम

राम ओसा जतन करे घर त्रिया ॥ पीव रमण संग चाली

राम

राम बारी खोल धसी तब आगी ॥ जकत लाज सब पाली ॥ ४३॥

राम

राम तपसी करे तपस्या आगे ॥ ब्होत तेज अंत भारी ॥

राम

राम चरणा लगी करी प्रकंमाँ ॥ बूजे पीव बिचारी ॥ ४४॥

राम

राम नदियां बहे नीर जळ धारा ॥ जोगी करे संपाडा ॥

राम

राम धूप ध्यान धूणि पर बेठा ॥ बूजे ऊजळ दिहाडा ॥ ४५॥

राम

राम धूणि सात तीन से जोगी ॥ तपस्या तत्त बिचारे ॥

राम

राम जेता आहार भोग बिन जीवे ॥ काळ घेर वां मारे ॥ ४६॥

राम

राम ॥ राम नाम लो, भाग जगाओ ॥

॥ राम नाम लो, भाग जगाओ ॥

राम

राम ईमृत पिवे अमी फल खावे ॥ नेचळ डिगे न कोई ॥
राम आवागवण जनम अर मरणा ॥ करम रह्या सब रोई ॥४७॥
राम नवसे धेन नुजणो पडियो ॥ दूवण ऐक बिचारी ॥
राम मारे सेढ धरण के माही ॥ भरे गिगन घर पारी ॥४८॥
राम जमीया दही बिलोवण बेठा ॥ ध्रित छाछ वहा न्यारा ॥
राम हरजन जाय करे प्रसादी ॥ प्रीतम पुरसण हारा ॥४९॥
राम तिरपत जीम हुवा मन पूरण ॥ देखे सकळ तमासा ॥
राम धिन धिन संत भाग जन तेरा ॥ गिगन मंडळ घर बासा ॥५०॥
राम देवळ मांहिं देवरां दरस्या ॥ आत्म में प्रमात्मा ॥
राम निस दिन निरख हुवा मन राजी ॥ छाडी लाज कुळ जाता ॥५१॥
राम हंसा जाय मिल्या निज हंसे ॥ निजमन मन काहाण्यां ॥
राम सुरती पलट भई पतब्रता ॥ पाँच पकड़ घर आण्या ॥५२॥
राम पलट्या ज्ञान भया विज्ञानी ॥ ब्रह्म ज्ञान दरसाया ॥
राम सूरज जाय मिल्या घर चंदे ॥ पवन गिगन समाया ॥५३॥
राम छेकी धरण कँवळ खट बिंध्या ॥ शिरे स्याम ज्यां हाँ आया ॥
राम मिलीया प्राण प्रम गत मांहि ॥ दसमें जाय समाया ॥५४॥
राम नव लख प्रस क्रोड तेतीसूं ॥ परे प्रम पद पाया ॥
राम मिलीया प्राण ग्रक हुवा मांहि ॥ अणभे ज्ञान सुणाया ॥५५॥
राम त्रुगटी मोह झिला मिल जोती ॥ ब्रसे मुख पर नुरा ॥
राम सुखमण घटा अमीरस चूवे ॥ पीवे हरजन पूरा ॥५६॥
राम पीवत छाक चडे अंत भारी ॥ बेण शब्द मुख बोले ॥
राम धरहर इंदं धडूके ऊंडो ॥ भ्रम ताक सब खोले ॥५७॥
राम सुखमण झरे पिवे जन पूरा ॥ अमर हुवा जुग माही ॥
राम निर्भ नांव निरंतर पाया ॥ चल्या जुग छिट काई ॥५८॥
राम त्रुगटी चूर चल्या जन आगा ॥ असंख सूर प्रकासा ॥
राम सुन्न ही सुन्न सुन्न मे साहिब ॥ जहाँ हरीजन का बासा ॥५९॥
राम कीया बास आस तज सारी ॥ ब्रह्म अमर घर पाया ॥
राम काळ क्रम ऐक नही लागे ॥ जहाँ जन जाय समाया ॥६०॥
राम बारी ऐक अजब हम खोली ॥ ओसी कळा ऊघाड़या
राम प्राण पुरष आगा तब धसिया ॥ बोहोत तेज सूं बाड़या ॥६१॥
राम आडी भींत चित्त बोहो भारी ॥ ता को ब्रह्म दिखावे ॥

राम

राम ॥ राम नाम लो, भाग जगाओ ॥

॥ राम नाम लो, भाग जगाओ ॥

राम

सोनो सरस सोळ्वो दरसे ॥ ताहि देख सुख पावे ॥६२॥
वाँ के उरी सकळ रे चेतन ॥ पांच पचीस पिचंतर ॥
क्रोडँ तीन अरथ फिर मांहि ॥ सोळे सात सितंतर ॥६३॥
नवसे नेम निनाणू चेतन ॥ सब बेराट पिछाणे ॥
पनरे क्रोड भेळ पैंतीसूं ॥ ठाम ठाम सब जाणो ॥६४॥
दोय सो डोढ सईकडा घाटा ॥ लोप चले जन सोई
सातूं दीप नवे नव खंडा ॥ चेत घरोघर होई ॥६५॥
लाँधी भींत धस्या जन आधा ॥ ठाम ठाम बंध हुवा ॥
ओसा ओक अचंभा भारी ॥ फिरे सकळ जुग मूवा ॥६६॥
पाँचू पलट भया निज ज्ञानी ॥ च्यारां भली समाई ॥
बिष की शीर सकळ ले पेली ॥ ईम्रत शीर चलाई ॥६७॥
चवदे नार ओकली बाँध्या ॥ तिरिया जोर करारी ॥
सबके गळे जङ्घा ओक सांकळ ॥ निरभे भई बिचारी ॥६८॥
भव सो रह्यो त्रुगटी हेटे ॥ काम क्रोध औंकारा ॥
शिलता समंद घाट सब ओघट ॥ लाँघ हुवा जन पारा ॥६९॥
आसा थकी कल्पना ऊठी ॥ भ्रम क्रम हद मांहि ॥
बेहद जाय मिल्या जन पेला ॥ ऊँच निच कोई नाहिं ॥७०॥
बेहद मांय ब्रम्ह सो भ्यासे ॥ दुतिया रहे न कोई ॥
नारी पुर्ष थक्या अध बीचे ॥ भँवर गुफा घर सोई ॥७१॥
रागाँ मांहि रीझ रह्यो भँवरो ॥ आगी सुरत न मेले ॥
हद बेहद की जेल मंडाणी ॥ ना पर निस दिन खेले ॥७२॥
ओसा ओक अचंभा भारी ॥ निरख प्रख में भाखूँ
सुणज्यो सकळ साध जन भेदी ॥ गोप बात ओक दाखूं ॥७३॥
पूरब दिसा धन्या था गोळा ॥ धरणी आण समाया ॥
सुरत निरत का लग्या पलीना ॥ गोळे जोर सवाया ॥७४॥
चलिया गोळ पिछम के नाके ॥ तीनू कोट डहाया ॥
बावन किल्ला सात नव खाई ॥ फोड निसाणे आया ॥७५॥
आगे गेल दोय ज्यां फूटी ॥ सोच रहा मन मांहि ॥
अब कहो कोण बतावे गेला ॥ अमर लोक सत्त साई ॥७६॥
सत्त गुरु सरण ज्ञान सब सोझ्या ॥ राम नाम लिव लाया ॥
दोनू गेल रही पसवाडे ॥ बीचे राहा दिखाया ॥७७॥

राम

राम ॥ राम नाम लो, भाग जगाओ ॥

॥ राम नाम लो, भाग जगाओ ॥

राम

राम आगे जाय मिल्या घर अेकी ॥ उलटा सूत खंचाणा ॥

राम

राम पांच पचीस निनांणूँ नवसे ॥ घेर गिगन घर आणा ॥७८॥

राम

राम अधर हुवा आद घर मांहि ॥ न्यारा फटे न कोई ॥

राम

राम सब ही बस्या अेक घर मांही ॥ राव रंक सब लोई ॥७९॥

राम

राम बस्ता नगर किया सब ऊझड ॥ रस्ता बंद कराई ॥

राम

राम सब कूँ घेर किल्ला पर चड्या ॥ बस्या गिगन घर आई ॥८०॥

राम

राम बसीयो स्हेर सिखर पर भारी ॥ चोर जार नही लागे ॥

राम

राम सेजां थकया भोमिया सारा ॥ धणी निसो दिन जागे ॥८१॥

राम

राम चडिया गस्त सब्द गहे हाथे ॥ चोर जार सब मान्या ॥

राम

राम निर्भ हुवा चड्या जन ऊँचा ॥ काम काज सब सान्या ॥८२॥

राम

राम लागा ध्यान खबर तब पाई ॥ सुरत निरत रा मेळा ॥

राम

राम मन सो पवन सब्द मिल तीनूँ ॥ हुवा आद घर भेळा ॥८३॥

राम

राम तीनूँ ध्यान त्रुगटी लागे ॥ न्यारी कळा दिखावे ॥

राम

राम ओसी रीत बिध हम देखी ॥ ओके नार जान कर आवे ॥८४॥

राम

राम फेरा ले जाय कर प्रणे ॥ निस दिन करे खवासी ॥

राम

राम ओसा अजब ख्याल हम देख्या ॥ ओके मच्छी मरे पियासी ॥८५॥

राम

राम मच्छी दोड ताड पर चडगी ॥ कउवे धनष उडाया ॥

राम

राम तर का नीर पीया चड ऊँची ॥ झींवर जाळ बंधाया ॥८६॥

राम

राम सर्वर मांही स्हेर सोई बसीयो ॥ स्हेर सिखर के मांहि ॥

राम

राम जांमे भँवर पांच रस भोगी ॥ निरख निसो दिन जाई ॥८७॥

राम

राम पाँचूँ कंवळ कंवळ पर भँवरा ॥ भणक रह्या दिन राती ॥

राम

राम ओका कंवळ भँवर बिन सारा ॥ सबे मुड के साथी ॥८८॥

राम

राम ऊभा खडा तमासा देखे ॥ स्हेर लूट सब जावे ॥

राम

राम च्यारूँ जोंध नार बिन काचा ॥ सस्तर नही संभावे ॥८९॥

राम

राम नारी आण धाकल्या सब कुँ ॥ फिट तमारा जीया ॥

राम

राम सूत क सुत भेद सब बूज्या ॥ नार सकळ कूँ दीया ॥९०॥

राम

राम तीनूँ जाग नगर कूँ घेरो ॥ लागे बंध करारा ॥

राम

राम राजा चढ्यो नगर को गढ पर ॥ घुच्या निसाणूँ सारा ॥९१॥

राम

राम खट सो जाग टेरीया बेंता ॥ तीन जाग ग्रह भारी ॥

राम

राम ओसा बंध लग्या उन बीचे ॥ सुखी सकळ नर नारी ॥९२॥

राम

राम पेलो बंध लग्यो जालंद्री ॥ नांव नाभ घर आया ॥

राम

राम ॥ राम नाम लो, भाग जगाओ ॥

॥ राम नाम लो, भाग जगाओ ॥

राम

जाड़ी मिले आण सुटी सूं ॥ साहिब मांहि लखाया ॥१३॥
दूजा बंध पिछम के गेले ॥ शीस पीट पर फेरे ॥
ऐसा करे तकड़ बंध गाढा ॥ स्हेर सकळ ले घेरे ॥१४॥
ताका नाव उत्तान पात हे ॥ लागे जोर करारा ॥
तीजा बंध त्रुगटी दीया ॥ ताटक बंध बिचारा ॥१५॥
उलटा नेण तक्त पर बेठा ॥ ऐसा ख्याल दिखाया ॥
दोनू तरफ लग्या बोहा खंचा ॥ बीचे तेज तपाया ॥१६॥
भीजे रँम पसीनो छूटे ॥ लाल चख व्हे गोसा ॥
ऐसा नेण तेज में भारी ॥ अमल कियां हुवे रोसा ॥१७॥
तां सूं तेज मग्न खुमारी ॥ ऐसा अवरन कांही ॥
जाणेगा कोई हरजन पूरा ॥ मिल्या आद घर मांहि ॥१८॥
तीनू बंध चोकीया च्यारी ॥ कंवळ छेद षट आया ॥
यां लग बांत सेल हम लावी ॥ आगे दुलभ दिखाया ॥१९॥
यांही आय मग्न मन हुवा ॥ प्रम पद सो पाया ॥
सत्तगुर म्हेर करी शिष ऊपर ॥ आगे राहा दिखाया ॥१००॥
तेसी तलब लगी सी आदू ॥ पेम पीड़ पत माही ॥
ऐसा हुवा आण यां दुखिया ॥ उलटी बिरह जगाई ॥१०१॥
रटियो नांव नेम धर भारी ॥ अंतर पीड़ पुकारे ॥
ऐसी करक कळजे खटके ॥ कोई भाल संध पर मारे ॥१०२॥
ऐसी पीड़ प्रेम सूं लागी ॥ सत्तगुर शब्द सुणाया ॥
अगम देश दरस्या बिन मन के ॥ तजूं प्राण मन काया ॥१०३॥
निस दिन मंड्यो मोरचे सूरो ॥ सोहंग शब्द उचारे ॥
मं मो थक्यो मेर के माही ॥ सेंग त्रुगटी लारे ॥१०४॥
आधो शब्द चल्यो ता आगे ॥ रटियां बिना लखाया ॥
रसणा थकी लिगन सो चाली ॥ मन ले सुरत मिलाया ॥१०५॥
नाद बिंद नारी दे नीचे ॥ आगे अगम अखाडा ॥
वां लग प्राण जाय जब पूगा ॥ पाँचू गोड उपाड्यां ॥१०६॥
जेता निमष पलक वां रेणो ॥ सुध बुध रहे न काई ॥
कही ये काहा केण नही आवे ॥ ब्रह्म भेव का भाई ॥१०७॥
बरणू ब्रण रूप नही कोई ॥ सुख दुःख आव न जावा ॥
त्रुगटी परे इसी बिध द्रसे ॥ ज्ञान न गुष्ट न गावा ॥१०८॥

राम

राम ॥ राम नाम लो, भाग जगाओ ॥

॥ राम नाम लो, भाग जगाओ ॥

राम

बाणी बेद बात सब ऊली ॥ कथे बके हृद मांहि ॥

राम

जब जन जाय देश वे देख्या ॥ बिना ध्यान कछु नाही ॥ १०९ ॥

राम

आतम मांहि अनंत हे लीला ॥ सत्तगुर हमे दिखाई ॥

राम

जन सुखराम निरख हुवा निरभे ॥ प्राण प्रम गत पाई ॥ ११० ॥

राम

आतम सार ग्रंथ हे ओसो ॥ जे कोई आण बिचारे ॥

राम

जन सुखराम मोख को गेलो ॥ काळ क्रम सब मारे ॥ १११ ॥

राम

उपजे ज्ञान क्रम सब छूटे ॥ भ्रम बिधु से सारा ॥

राम

आतम मांहि प्रम पद पावे ॥ जे कोई करे बिचारा ॥ ११२ ॥

राम

बाचे सुंणे अरथ जो चीने ॥ चेत चित्त दे मांहि ॥

राम

जन सुखराम ब्रम्ह के गेले ॥ भूल पडे कौ नाहि ॥ ११३ ॥

राम

सारी बात देख हम भाखी ॥ जे ती मोहि लखाई ॥

राम

जन सुखराम वार नहीं पारा ॥ ब्रम्ह भेद को भाई ॥ ११४ ॥

राम

आतम सार ग्रंथ ओ बाचे ॥ अरथ करे जो न्यारा ॥

राम

जन सुखराम गुरु सो मेरा ॥ म्हे हुँ शिष तुमारा ॥ ११५ ॥

राम

पांख पांख कळीयां सब सारी ॥ अरथ बिना नहीं ओको ॥

राम

जन सुखराम ग्रंथ ओ कीयो ॥ साध सिध्द सब देखो ॥ ११६ ॥

राम

चीने भेद अरथ जो भाषे ॥ सो हे गुरु हमारा ॥

राम

जन सुखराम बिप्र घर जामा ॥ जिण ये ग्रंथ उचारा ॥ ११७ ॥

राम

॥ दोहा ॥

आतम मे प्रमात मा ॥ दया करी भरपूर ॥

राम

जन सुखिया निरभे भया ॥ काळ कंट सब दूर ॥ ११८ ॥

राम

अंती आतम सार की ॥ सांखा सब पर वाण ॥

राम

जन सुखिया जन बाच कर ॥ लीज्यो तत्त पिछाण ॥ ११९ ॥

राम

तत्त सब्द हर नांव हे ॥ रटियां सब गम होय ॥

राम

जन सुखिया नव खंडरे ॥ तन मे दिसे जोय ॥ १२० ॥

राम

आतम मे प्रमातमा ॥ दरस्या दिन दयाल ॥

राम

जन सुखिया जब फूटगी ॥ भ्रम क्रम की पाळ ॥ १२१ ॥

राम

पड़दो फटक उड़ावियो ॥ अरस परस दीदार ॥

राम

सत्तगुर बिरम दासजी ॥ साचा सिरझण हार ॥ १२२ ॥

राम

साईं सरणे साध के ॥ साहिब हे जन माय ॥

राम

जब देख्यो सुखराम जी ॥ गिगन मंडळ घर जाय ॥ १२३ ॥

राम

राम ॥ राम नाम लो, भाग जगाओ ॥

॥ राम नाम लो, भाग जगाओ ॥

राम

गिगन धडूकया इंद्र ज्यूँ ॥ बाजा बजे अनंत ॥

जन सुखिया नोपत घुरी ॥ चल्या सांम दिस संत ॥ १२४ ॥

साहिब निरख्या सुरत सूँ ॥ खुलिया नेण अनेक ॥

ज्यूँ सुखिया चसमो खुले ॥ अरस परस यूँ देख ॥ १२५ ॥

सेवक सांमी ओक हुवा ॥ क्षिर नीर मिल माय ॥

अब सुखिया ना बीछडे ॥ उथल पुथल होय जाय ॥ १२६ ॥

साहिब पाया सांच सूँ ॥ सत्तगुर के परताप ॥

सुखिया अंतर आत्मा ॥ द्रस्या आपो आप ॥ १२७ ॥

द्रसण कीया दीन का ॥ आणंद अंग अपार ॥

सुखिया सेजां पावीया ॥ छूटी इम्रत धार ॥ १२८ ॥

प्रस्या पूरण पीव कूँ ॥ हिल मिल हुवा ज ओक ॥

सुखिया सब सुख ऊपना ॥ स्मरथ साहिब देख ॥ १२९ ॥

साहिब जी की आत्मा ॥ आण संभाळी राम ॥

सुखिया साहिब स्मरथ हे ॥ ले धान्या निजधाम ॥ १३० ॥

सुख सागर साँई मिल्या ॥ पूरण प्रमानंद ॥

सुखिया प्रचे पीव के ॥ बोले बाणी छंद ॥ १३१

निरभे नायक रामजी ॥ मिलिया बाळ्द लाद ॥

सुखिया गेले गिगन के ॥ साँई सत्तगुर साध ॥ १३२ ॥

साँई मिलिया सिखर मे ॥ जहाँ सेवग अर आप ॥

सुखिया नित पत प्रीत सूँ ॥ सेजां सिंवरण जाप ॥ १३३ ॥

ओसे मिलिया राम सूँ ॥ तट त्रिबेणी तीर ॥

जन सुखिया पवना मिल्या ॥ निस दिन निरखे बीर ॥ १३४ ॥

घट भीतर माळा फिरे ॥ निस दिन धारो धार ॥

ओक सूत सुखराम के ॥ अटके नही लगार ॥ १३५ ॥

॥ इति श्री ग्रंथ आत्मसार समपूरण ॥